

Enformaziuns y Comunicaziuns

AODANZES: Döt le bun, sanité y benedisciun a
Marianna Frenner *13.01.1915 - Lydia Flöss *15.01.1933
Maria Daverda *16.01.1929 - Paula Rindler *18.01.1915
y a düc chi co à santennom y complësc i agn cöst'edema

Trèi Rêsc y pizza: Tres l'aziun dai Trèi Rêsc èl eniann gnü ete la **bela soma de 9.044,00€**. A düc cancé chi co à dé ca na spënor a i vâl en iolan fort. Mitans y mituns co è jüs a fà i Trèi Rêsc, i acompagnadus y düc chi co à te val'manira daidé por le garaté dla aziun, è dër bel enviës da gnü a se mangé na pizza. I s'odun en vëndres ai 18 de jenà ales 18:30, sö dla Pizzeria La Bronta. I acompagnadus è bel periës da ti al di ennant ai mituns che ai à acompagné.



Liturgia: Vigné dédemesaledema ales 14:00 èl te calogna basete na preparaziun liturgica sön les letôres y le vagnele dla domëgna dô. Le grup è lëde y davert a düc.

Sontada: La Uniun dles Ères s'encunta en lönesc ai 14 de jenà ales 20:00, te calogna.

Paurs: I verdabosc d'Al Plan lascia alessëi che la sessiun forestala 2013 por le comun de Mareo sarà en dédlönesc ai 15 de jenà ales 20:00, tla Ostaria "Sotru" ia La Pli.

Ginastica: La Uniun dles Ères adöm al Consëi de Formaziun d'Al Plan mët endô da jì la ginastica de prevenziun (Gesundheitsgymnastik). Le pröm iade è en dédemesaledema ai 16 de jenà ales 19:15 (por 1 ora), te palestra. La ginastica jarà ennant por endôt 10 iadi. An n'è nia briä da s'anunzié danfora. Al è da se tó en pèr de cialzines (Socken).

Oraziun: En vëndres ai 18 de jenà ales 8 da sëra èl tla capela da Oies na oraziun de Taizé, olache al vën perié, cianté y medité en forma de Taizé. Düc è bel enviës.

Patrones: La Uniun dles Patrones de Mareo organisëia en curs da fà cïajó con Patrizia Declara. Le curs vën tignì fora Pliscia, en lönesc ai 21 de jenà, ales 8:30. Enformaziuns y prenotaziuns pa Patrizia al nr. 334/1663776.

Curs: Le Zënter Families Mareo organisëia deboriada con le Katholischer Familienverband na scora por geniturs (Elternschule), co arà desco tematica la puberté - i mituns dai 10 ai 14 agn. Al è endôt 5 encuntades, dai 19 de forà ai 19 de merz, dagnora le dédlönesc. I scrié ete al ZFM paia 50,00€ a cé o 70,00€ sce entrami i geniturs tol pert. I nia scrié ete 55,00€ resp. 75,00€. Les iscriziuns vën tutes sö cina al 31 de jenà pa Verena Ties al nr. 334/5816850.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Telefönn y fax de calogna: 0474 501006. Radio Ploania: MhZ 93,00

Comunicaziuns - cina al dédemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com

Download plata: [/www.valbadiaonline.it/comunite/ploanies/al-plan-de-mareo.html](http://www.valbadiaonline.it/comunite/ploanies/al-plan-de-mareo.html)



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MhZ

Bato de Gejù tal lordann, ann C, ai 13.01.13 - nr. 7

Redaziun dla plata: Pablo Palfrader, Margot Pisching, Angela Zingerle

Tö es mio Fi bunorü!


Dal vagnele dô San Luca, 3, 15-16, 21-22

Te chël tomp ¹⁵ea le popul plën de aspetanza y düc ponsà sora tal chît sce Jan n'è mino forsc enstës le Messia. ¹⁶Mo Jan ti respognea a düc: lu ves baçi con ega, mo al nen vën önn co è plü gaiert co iu, y iu ne sun nia dën da ti desciole i cialzà. Èl ves baçiarà con Spirit Sant y con fù. ²¹Deboriada con döt le popul s'è incé Gejù lascé bacé. Y dertan ch'al periä, s'è dauri le cì ²²y le Spirit Sant è gnü jö sön èl, co ea da odèi tla forma de na colomba, y na usc dal cì dijea: Tö es mio Fi bunorü, en të ài ciafé plajëi. **Parora dal Signur. - Lalt a té, Gejù Crist!**



Orëi ti fà dërt a düc - na storia

Al è n dé de gran cialdun. Pere y môt va con le müsc fora por les strades da stöp de na picia ciüté. Le pere sonté sön müsc, le môt dlungia a pè.



Te chël pàssel en foresto y dij: "Cösc püre môt. Con söes pices iames èl apëna bun da tignì le vare. Co po pa en pere s'an sté bel frat sön müsc, deperpo che le môt se stracia jö?"

Le pere se tol a cör les parores, lea jö y sonta le môt sön müsc. Tosc pàssel endô zacai: "Poh en te' patüc, chël craut s'an stà sön müsc desco en te' re, deperpo che so püre vedl pere mëss jì a pè."

Le môt se mëna picé le pere, y le lascia sonté empara sön müsc. Te chël passa na ëra dlungiaia y dij: "Poh ci vëighi pa tlò?"

Le spiné de chël püre müsc è mâ döt stort da porté le pëis de chisc dui. Cösc è tichené tiers. Ai fej desche sce cösc püre müsc foss so canape."

Pere y môt se ciara, lea jö y va entrami ennant a pè dlungia le müsc. Püch dedô encüntai endô en foresto, co ciara con morvëia y dij: "Tan da tec n'oressi iu nia ester. Ciodi pa se tó dô le müsc, sce al n'è empò por nia y degügn ne po sonté lassora?"

Pere y môt n'è nia plü parores. Le pere alza sö le müsc ples iames dant, le môt ples iames iadedô, y entrami le porta por döt le tru co romagn ciamó. (Autur nia conesciü)

Ensciö pöra jì, da orëi ti fà dërt a düc.

Funziuns Liturgiches dla Ploania d'Al Plan por l'edema dai 13 ai 20 de jenà

Domëgna: 13.01.: Festa dal Bato de Gejù tal Iordan – fin dal Tomp da Nadé

Oferta por i bojügns dla Ploania



- 6.30:** Mëssadora ia La Pli
9.30: Funziun dla Domëgna: Corona
10.00: S.M. por dōta la comunité en reng. dal Bato
18.00: S.M. por +nta Hilda Willeit Erardi
S.M. por +nt Ties Adolf, Valiares
S.M. por +nt Christian Vollmann dal lagher
S.M. por +nta Angela Erlacher in Erlacher

Lönesc: 14.01. Feria dla 1°edema dal ann: S.Rainer, Sa.Eilica, S. Felix

- 7.15:** S.M. por +nta Notburga Rindler de Berto
S.M. por +nt Jep Ties da Plazores
S.M. por les Püres Animes

Dédol.: 15.01. Feria dla 1°edema: S.Romede, S.Mauro, S.Konrad

- 18.00:** Funziun dla Corona

Dédem. 16.01. Feria dla 1°edema: S.Marzelin, S.Honorat, S.Tasso

- 18.00:** S.M. por +nta Angelika Call, Hotel Call
S.M. en onù de S.Antone d'Egit
por Fam.Complojer Tone y Annamaria
S.M. por +nt Comploi Tone dal Tabach

Jöbia 17.01. Memoria de S.Antone Abat, Sa.Beatrix, S.Iulian

- 18.00:** Funziun por la Ciaussa

Vëndr.: 18.01. Al mët man l'Otava dla Oraziun Mondiala: S.Regina

- 7.10:** S.M. dai scolari
S.M. aniversar por +nt Signor Matio Rigo
S.M. por +nt Friedl Ferdigg dal Pech da Mantëna
S.M. por +nta Judita Palfrader - Burchia, Brüscia

15.00: Ora de adoraziun y oraziun

Sab. 19.01. Santa Maria in Sabato: Sa.Aleidis, S.Mario, S.Heinrich

- 17.00:** Poscibilità da se pissié
18.00: S.M. por +nt Mutschlechner Josef dal Bagn
S.M. por +nc' de Trebo Hermann y Laura
S.M. por +nt Carlo Frenner dai Renc'

Domëgna 20.01.: Il° Domëgna dal Ann C – Domëgna dla Bibia

Oferta por i bojügns dla Ploania



- 6.30:** Mëssadora ia La Pli
9.30: Funziun dla Domëgna
10.00: S.M. por dōta la Comunité
18.00: S.M. por +nc' Lois y Nina Oberbacher dal Lehrer
S.M. por +nc' Pescoller Hubert y Marchi Maria
S.M. por +nc' Trebo Angelo y Rigo Trebo Maria
S.M. en onù y rengraz. de Santa Maria
Por vis y +nc' dla Fam. Hochwieser

LE BATO

Tal bato chërda Gejù vignönn de nos por ennom.
Èi mo tol sō desco sō möt / sōa möta.
"Tō t'es mio fi bënörü / mia fia bënörüda,
no te temëi, iu sun pa te".

B. Heinen



Dieser heilige Augenblick

erzählt uns: Das kleine Kind, dessen Geburt wir vor ein paar Tagen gefeiert haben, ist wirklich der Retter. Gott ist nicht nur mit ihm, Gott ist bei ihm und in ihm. Und dieser heilige Augenblick erinnert mich daran, dass Gott – wie damals bei meiner Taufe – deutlich zu mir spricht: Du bist mein geliebtes Kind, fürchte dich nicht, ich bin bei dir.

Was würden Sie tun, wenn Sie das neue Jahr regieren könnten?

Ich würde vor Aufregung wahrscheinlich die ersten Nächte schlaflos verbringen und darauf tagelang ängstlich und kleinlich ganz dumme, selbstsüchtige Pläne schwingen.

Dann – hoffentlich – aber laut lachen und endlich den lieben Gott abends leise bitten, doch wieder nach seiner Weise das neue Jahr göttlich selber zu machen.

Joachim Ringelnatz



Sorvisc dai Ministroné

Lönesc 14/01 (07:10h), Dedemesaledema 16/01 (18:00h), Vëndres 18/01 (7:15h): Samuel Castlunger, Alex Rubatscher; **Sabeda 19/01 (18.00h):** Mark y Kevin Kastlunger, Max Trebo, Max Maneschg, Martina, Miriam y Alessia Kaneider; **Domëgna 20/01 (10:00h):** Catarina Frenner, Viktoria Frontull, Lisa, Emilie y Richard Comploi, Angelo Marku, Natalie Obojes, Marlene Palfrader; **Domëgna 20/01 (18:00h):** Stefan, Florian y Max Palfrader, Daniel y Herbert Piazza, Leo y Emma Kastlunger, Matteo Sottrovisch

